

國朝先正事略

國朝先正事略序

余嘗以

大清達人傑士超越古初而紀述闕如用爲嘆憾道光之末聞嘉興錢衍石給事儀吉仿明焦竑獻徵錄爲國朝徵獻錄因屬給事從子應溥寫其目錄得將相大臣循良忠節儒林文苑等凡八百餘人積二三百卷借名人之神傳存名人之事蹟自別京師久從征役而此目錄冊者不可復覩同治初又得鄢陵蘇源生文集具述其師錢給事於徵獻錄之外復節錄名臣爲先正事略於是知錢氏頗有造述不僅鈔襲諸家之文矣又二年而得吾鄉李元度校書所著先正事略命名乃適與錢氏相

合前此二百餘年未有成書近三十年中錢氏編摩於汴水次  
青成業於湖湘斯足徵通儒意趣之同抑地下達人傑士其靈  
爽不可終闕也自古英哲非常之君往往得人鼎盛若漢之武  
帝唐之文皇宋之仁宗元之世祖其時皆異材勃起俊彥雲集  
焜耀簡編然考其流風所被率不過數十年而止惟周之文王  
暨我

聖祖仁皇帝乃閱數百載而風流未沫周自后稷十五世集大  
成於文王而成康以泊東周多士濟濟皆若秉文王之德我  
朝

六祖

一宗集大成於康熙而雍乾以後英賢輩出皆若沐

聖祖之教此在愚氓亦似知之其所以然者雖大智莫能名也  
聖祖嘗自言年十七八時讀書過勞至於咯血而不肯少休七  
毫而手不釋卷臨摹名家手卷多至萬餘寫寺廟扁榜多至十  
餘蓋雖寒畯不能方其專北征度漠南巡沿河雖卒役不能踰  
其勞祈雨禱疾步行天壇并醢醢齏鹽而不御年逾六十肩扶  
病而力行之凡前聖所稱至德純行殆無一而不備上而人象  
地輿秣算音樂考禮行師刑律農政下至射御醫藥奇門卜筮  
滿蒙西域外洋之文書字母殆無一而不通且無一不創立新  
法別啟津途後來高才絕藝終莫能出其範圍然則雍乾嘉道

累葉之才雖謂皆

聖祖敎育而成誰曰不然

今上皇帝嗣位大統中興雖去康熙時益遠矣而將帥之乘運會立勳名者多出一時章句之儒則亦未始非

聖祖餘澤陶冶於無窮也如次青者蓋亦章句之儒從事戎行咸豐甲寅乙卯之際與國藩患難相依備嘗艱險厥後自領一隊轉戰數年軍每失利輒以公義糾劾罷職論者或咎國藩執法過當亦頗咎次青在軍偏好文學奪治兵之日力有如莊生所譏挾策而亡羊者久之中外大臣數薦次青緩急可倚國藩亦草疏密陳李元度下筆千言兼人之才臣昔彈劾太嚴至今

內疚惟

朝廷量予褻省當時雖爲吏議所格

天子終右之起家復任黔南軍事師比有功超拜雲南按察使  
而是書亦於黔南告成

聖祖有言曰學貴初有決定不移之志中有勇猛精進之心末  
有堅貞永固之力次青提兵四省屢歷仍振所謂貞固者非耶  
發憤著書鴻編立就亦云勇猛矣願益以貞固之道持之尋訪  
錢氏遺書參訂修補矜鍊歲年愼褻貶於錙銖酌羣言而取衷  
終戎

聖清鉅典上躋周家雅頌誓誥之林其尤足壯矣哉同治八年

三月曾國藩

李習之嘗歎魏晉以後文字黝昧雖有殊功偉德非常之蹟  
聞譽而不章而昌黎韓子則嘗欲作唐一經垂之於無窮誅  
諛於既死發潛德之幽光論者謂其書若成當不在龍門扶風  
下惜乎其未就也宋朱子撰言行錄取並世名臣事蹟件件而  
條綴之爲後世法文雖不追昌黎而扶翼世教厥功懋矣嗣是  
杜大珪有名臣碑傳錄蘇天爵有元名臣事略徐鉉有明名臣  
琬炎錄項篤壽有今獻備遺皆祖述朱子之意以成書者也我  
國家  
列聖相承重熙累洽炳焉與三代同風二百餘年名卿鉅儒鴻  
達魁壘之士應運而起者不可殫數其計謨政績具在



國史類非草野之士所能窺而其選聞佚事嘉言懿行往往散見於諸家文集中特未有薈萃成書以備掌故而爲徵文考獻之助者耳元度山居多暇徧閱

本朝人文集遇偉人事跡輒手錄之積久成先正事略六十五卷分名臣名儒經學文苑遺逸循良孝義七門人爲一傳計五百人附見者六百有八人亦當世得失之林也每空山月上一燈熒然披吟斗室中如與諸鉅公才人節士聯襟倚裳親承其馨欬而上下其議論也如臨泰華嵩衡黃河瀚海之高深莫測其顛委也如羅列商彝周鼎天球宏璧古光出几案莫敢逼視也昔歸震川自恨足跡不出里閭所見無奇節偉行以發摭其文

章之氣今元度放廢歸田得網羅散失以成此編可謂極尙友之樂矣橐南脫遁奉于役黔東之

命以兩年心力所萃不忍微帚棄之也爰付諸剞劂氏客有議其去取失當且息促成書慮挂一而漏萬者應之曰是固然然以朱子之賢手訂言行錄如進王荆公黜劉忠定之類呂東萊汪玉山皆不謂然卽朱子亦自謂尙多謬誤况下此乎太史公作列傳二千年中僅七十篇循吏儒林則皆止數人耳未有議其疏漏者也惟是

本朝治跡磊磊軒天地遠邁唐宋元明世苟有昌黎習之考亭其人者出其文章以潤色鴻業斯不負千載一時之盛若蒙者

所述雖皆奇節偉行文不足以張之終爲震川所竊笑耳抑又聞蘇文定公曰古之君子不用於世必寄於物以自遣然則是編亦寄焉耳矣何庸深校其得失哉客既退遂筆之簡端用以就正海內君子焉同治五年三月既望平江李元度自序

國朝先正事略凡例

二我

朝沿躋隆古

主聖臣賢一時名公鉅卿鴻生碩儒後先輩出立德立功立言  
皆是傳之不朽惟國史藏存

皇成草野無從徵考承學之士語及國家掌故先正典型往  
往知其名而莫能詳其事實良由文獻所徵無專書以資考證  
也是編就昭伐先正分名臣名儒經學文苑遺逸循良孝義七  
門采其勳績議論嘉言懿行各著於篇用以備遺忘而資觀感  
而

列聖深仁厚澤稽古右文亦隨事可以想見使讀者油然而生忠孝之心焉

一各事蹟皆采自私家傳誌郡邑志乘聞及說部仍正以國史列傳有合十數篇爲一篇者其間穿穴聯綴頗費匠心用此亦不免稍失之繁律以史法及金石文字例幾可省其半以事實所關甯詳毋略甯密毋疏昔全謝山表章前哲動輒數千言意在使後之秉筆者據爲底本區區之私竊附於此云爾

一敘述當代事蹟與史例不同史無論賢奸但有關繫者皆列之是編仿名臣言行錄例專主揚善故所錄皆粹然純詣惟附見者其例稍寬

一我朝肇興東土開國佐命之英皆天潢貴胄位列親藩未敢援人先正之列卽翊運勳臣之侑饗

太廟者若信勇公費英東宏毅公額亦都武勳王揚古利等皆立功天命天聰崇德間在

世祖統壹區夏之先故論入關後宣力文臣以范文肅公爲始武臣以圖昭勳公爲始而信勇公宏毅公武勳王各事蹟又皆詳列於其子若孫之傳首俾閱者備悉源流

一名臣一門內而閣部外而封圻其勢不能徧錄是編所述大約曾祀賢良名宦祠及有殊績異政列入一統志者然終以周於見聞不免挂漏爲憾嘗有偉烈鴻名夙所欽慕因未得其事

狀無從登入擬撰續編以臻詳備

一滿漢名臣有祖孫父子兄弟羣從並躋九列者略仿史記世家例彙列之以彰喬木世臣之盛

一 本朝名儒約分二派其恪守程朱家法者陸清獻陸桴亭張楊園諸先生也其兼宗陸王而不倍於程朱者孫夏峯湯文正李二曲諸先生也清獻之學洵屬正宗其救正王學末流之功甚大近儒何丹畦續理學正宗唐鏡海著學案小識皆推二陸爲直紹洛閩之統然彭尺木程魚門嘗議清獻攻擊陸王太過朱脫講學家習氣宗之者蓋彌甚焉唐氏學案既擯夏峯不錄復深致鄙夷其亦門戶之見而已矣夫一貫之旨曾子自行

入子貢自知入其有得於聖道一也伯夷之清柳下惠之和並子皆推爲聖未嘗是此而非彼也是編不分門戶淵源所在各以類從其議論之相反而適可以相救者均詳列之以俟後之君子論定焉

一 本朝經學亦分二派其專宗漢學以抵程朱之隙者毛西河惠定宇戴東原諸先生也其義理宗程朱仍博稽漢唐注疏者李安溪方望溪姚姬傳諸先生也自前明中葉士皆敝精力於帖括而根柢之學闕焉 本朝興樸學始輩出顧亭林閻百詩開風氣之先自後鉅儒接踵長洲惠氏高郵王氏嘉定錢氏三世皆以經術鳴漢學於是極盛然江子屏作漢學師承記凡



稍近宋學者皆損之阮文達刻 皇清經解千四百餘卷而安溪望溪之著述一字不收蓋幾於分茅設蔭一時風氣所趨遂專以校殘舉碎爲功詆宋儒爲空疏拮擊不遺餘力抑又過矣夫漢儒之訓詁宋儒之義理相須而行闕一不可其激而互相勝負者皆末流之失也緬惟

列聖作君作師

御纂諸經主宋儒之說而兼采漢唐注疏可謂折衷至當矣是編無論漢學宋學家皆詳錄其議論著述凡以屏除門戶之見而已

一 國初文章家以宋牧仲所撰侯魏汪三家稱最其後作者

代興無美弗備自望溪出而古文之義法特嚴劉海峯姚姬傳繼之遂有桐城派之目然姚氏古文辭類纂於八家及震川後繼錄望溪是矣又專錄海峯一若桐城外舉無足與於斯道者似亦未離門戶之見是編凡卓然成家者皆列之昔吾有先正其言明且清正復不拘一格耳

一 國初詩家推漁洋爲大宗荔裳愚山秋谷竹垞初白諸家聯鑣接軫前後兩詞科作者林立近人張南山輯詩人徵略探摭綦詳茲就其尤著者登之然疏漏實尙多也

一 國初遺老如徐侯齋沈眉生李盩園諸先生蟬蛻鴻冥齋然不滓孔子所謂逸民幾無愧焉錄之以見天爵自尊百世下

猶可廉頑而立懦也至熊魚山方密之諸公事蹟已附見明史故不復登

一循吏必詳著其政事風節使閱者知所效法可以坐言起行一孝義一門僅就最著者錄之以闡幽光維世教雖所錄無多然一代正史均不過數十人或十數人固無庸見少也

一天文歷算之學亦莫精於本朝蓋由

聖祖天亶聰明稷參造化而梅定九陳泗源諸君又足以闡發之遂成總詣既文達作時人傳采錄至二百餘人茲僅錄定九陳泗源丞百廣甫王寅旭數君於經學中以見其概如欲觀其全則有明人傳在

一照史志例尙須立忠義列女二門然忠義之遠著者多已列入名臣中近歲軍興以來死事者眾因未有成書無從采輯至列女不在先正之例故從闕如

一所分門類不過舉重而言如湯文正陸清獻張清恪楊文定沈端恪蔡文勤諸公應入名儒王文肅秦文恭胡文良阮文達諸公應入經學王文簡韓文懿錢文端沈文懿王蘭泉諸公應入文苑惟以官蹟九列有勲業可紀故皆列名臣他若黎洲亭林而農亦名儒亦經學愚山剛主亦名儒亦文苑謝山西莊竹汀淵如稚存亦經學亦文苑竹垞姬傳亦文苑亦經學叔子躬菴亦文苑亦遺逸青主茶村亦遺逸亦文苑名雖區分實則無

容拘泥況經學本在儒林中尤屬分而不分也

一非史官不應爲人作傳古人有言之者矣歸震川謂古作汝南先賢傳襄陽者舊傳者皆非蘭臺石室之臣也此論出而紀事之例始寬而惲子居則謂大傳非文集體昌黎傳陸贄陽城俱不入本集中爰變其名曰遺事述其實仍傳體也是編曰事略亦猶惲氏之意爾

一湯文正徐文定陳恪勤事略中所述時相及當事構陷狀皆本望溪集外文在當時不無忌諱故未入集近始有按刻之者然彭尺木湯陳二公行狀卽已采之蓋尺木曾見未刻槩耳此外若張清恪等傳皆有所本用此益見我

聖祖至聖至明百世後猶令人欽服焉

一公私著述僅挾恩怨於其閒卽其書可燒也是編自信無此弊閱者辨之

一鄧書燕說最足失真如袁簡齋所作陳恪勤等傳中多舛誤彭尺木嘗遺書諄之邵青門所作閩典史傳魏默深亦嘗辨之蓋文人習氣多不暇覈實也是編博觀而慎取之不敢沿訛以誤後人

一古人如班之於馬多全襲其辭以後不可毛舉緣事蹟未可憑虛而構非故襲舊文也衛正叔纂禮記集說其言曰他人著書惟恐不出於己某此書惟恐不出於人可謂先得我心矣

一阮文達枬 國史儒林傳皆就各家所述集句成篇仍分注所出於下彭尺木名臣儒行吏蹟述亦注明所據之本於篇末示非肌造也是編采書較多未暇一一注明所出然實無一字無來憑

一各家著述有可考者均詳列其書目卷數以備志藝文者之接討

一地名官名均據 本朝書之不從古稱其 詔諭奏劄亦多存其真所謂當時語也至滿洲蒙古姓名與春秋時人同其首一字非姓也故標題處皆先諡後名申之曰姓某某氏而文中則仍俗稱曰某公不復舉其姓以免累贅京江望溪集中皆有

此例

一元立行中書省於各路明改爲布政使司 國朝因之而猶沿其稱曰省非其實矣洪稚存集中於此蓋斷斷焉是編以公私相沿旣久姑仍其稱

一是編經始於甲子正月脫橐於丙寅正月藏書不多采摭未備又以荷戟出山息促付梓難辭固陋之譏所望海內同志君子時惠郵筒匡其不逮則幸甚



平江 孔廣心澄齋

湘陰 蔣恭錄東觀校訂

平江 楊存蔚玠生

國朝先正事略目錄

平江李元度次青纂

卷一名臣

范文肅公文程

子忠貞公承謨等

承勳

孫時崇

時鐸

昭勳公圖賴

忠義公圖爾格

襄毅公津塔

兄薩穆什哈

弟雅賴

文簡公希福

子帥顏保

忠直公伊爾登

忠襄公陳泰

襄敏公伊爾德

卷一名臣

敏壯公李國翰 子海鵬圖 桑額

敏壯公珠瑪喇

甯文毅公完我 文恪公額色黑 襄壯公根特

文襄公圖海

勤惠公佟養性 養甲 養量 忠恪公國瑞 國瑞

彰

襄勤公修圖賴 子忠勇公國綱 端純公國維 孫法梅

忠勇公石廷柱 子華善 石琳 孫石文炳 石文晟

敬康公愛星阿 子恭懿公富善

卷三 名臣

文忠公索尼

恪僖公邁必隆 子恪敬公尹德

魏文毅公裔界

魏敏果公象樞

李文勤公爵 杜文端公立德

馮文毅公溥

姚端恪公文然

朱尙書之錫

卷四 名臣

趙清獻公廷臣

李忠襄公率泰

吳文僖公正治

楊侍郎雍建 子若訥 孫守知

王文靖公熙

李文襄公之芳

敏果公米思翰 子貞襄公馬斯喀 文穆公馬齊 勅恪

忠勇公白爾赫圖 蘇克薩哈 蘇納海 朱勤愍公昌祚

卷五 名臣

襄壯公費揚古

襄毅公賁塔

施清惠公維翰

郝中丞浴

楊素蘊

湯文正公斌

靳文襄公輔

文端公伊桑阿

宋文恪公德宜

卷六 名臣

王文簡公士禎

兄士祿

士祐

熊文端公賜履

文端公顧八代

孫顧琮

恭勤公瑪爾漢

桓僖公馮國和

李文定公天馥

陳文貞公廷敬

徐相國元文

弟秉義

葉文敏公方藹

沈文恪公荃

吳文恪公士玉

卷七

名臣

吳文端公瑛

張文貞公玉書

于清端公成龍

彭中丞鵬郭琇

張文端公英子廷瓚 廷璣 廷豫

李文貞公光地子鍾倫

清端公傅臚塔

文清公阿蘭泰子文恭 公富 甯安

卷八 名臣

高忠烈公天爵子其佩 文恪公其位 猶子文良公其

甘忠果公文焜李興元

傅忠毅公宏烈



馬文毅公雄鎮

子世濟

陳忠毅公丹赤

葉忠節公映樞

襄壯公莽依圖

恭靖公佛尼勒

子忠勇公特穆額

楊清端公宗仁

子文乾

卷九 名臣

姚尚書啟聖

朱尚書攀

子至

陸清獻公隴其

趙恭毅公申喬

弟申季

子熊詔

張文端公鵬翮

徐尙書乾學

文定公徐元夢

文清公格爾古德

卷十 名臣

韓文懿公蒹

子孝基

徐文敬公潮

子文穆公本

陳清端公詵

子文勤公世倌 從弟文簡公元龍

王文恭公項齡

弟九齡

鴻緒

劉中丞蔭樞

張清恪公伯行

田文端公從典

黃侍郎叔琳弟叔璫

卷十一 名臣

趙襄忠公良棟子宏燦 宏燾

王忠勇公進寶子川亨

孫襄武公思克

梁敏壯公化鳳子第

楊敏壯公捷

施襄壯公琅子世綸 世驃

藍軍門理

許少傳貞

卷十二 名臣

陳恪勤公鵬年 子樹芝 樹著

楊文定公名時

朱文端公軾

陳清端公瑣

勤恪公齊蘇勒

潘襄勇公育龍 孫紹周 從孫之善

殷軍門化行

藍襄毅公廷珍

孫襄毅公元枚

卷十三 名臣

文端公鄂爾泰

張文和公廷玉

子若霽

若淑

勤恪公若渚

文端公福敏

文襄公兆惠

勵文恪公杜訓

子文恭公廷儀

孫宗萬

史文靖公貽直

沈端恪公近思

蔣文肅公廷錫

子文恪公溥

卷十四 名臣

岳襄勤公鍾琪 弟莊恪公鍾璜 子濬

嵇文敏公曾筠 子文恭公璜

方侍郎苞 兄舟

余府丞甸

李侍郎紱 孫友棠

蔡文勤公世遠

張文敏公照

甘莊恪公汝來

卷十五 名臣

孫文定公嘉淦

胡文良公煦 子莊敬公季堂

徐中丞士林

謝觀察濟世

楊文敏公超曾

錢文端公陳羣 子汝誠 錢維城 錢載

沈光祿起元

尹侍郎會一

卷十六 名臣

陳文恭公宏謀 元孫繼昌

文端公尹繼善 子文恪公慶桂

劉文正公統勛 子文清公壻

王文肅公安國 子念孫 孫文簡公引之

汪文端公由敦 子承霈

潘敏惠公思榘

彭尙書啟豐

楊勤愬公錫紱

卷十七 名臣

梁文莊公詩正 子同書

雷副憲鉉



陳文肅公大受

文襄公舒赫德

劉文定公綸

子躍雲

秦文恭公蕙田

蔡文恭公新

曹文恪公秀先

李恭毅公湖

彭文勤公元瑞

卷十八

名臣

文忠公傳恆

子福靈安

福隆安

福長安

文成公阿桂

胡恪靖公寶琮

方敏恪公觀承 子勤襄公雅詢

莊尙書有恭

沈文愍公德潛

裘又達公曰修 子恭勤公行簡

梁文定公國治

卷十九 名臣

朱文正公珪

襄烈公傅清

壯果公拉布敦

義烈公班第

剛烈公鄂容安

果烈公明瑞 弟奎林

襄壯公阿里衮子 毓武公豐仲額

陸中丞燿

卷二十 名臣

王侍郎昶

紀文達公昀

畢尙書沅

劉文恪公權之

王文端公杰

孫文靖公士毅

董文恭公誥

王文僖公懿修  
子宗誠

卷二十一 名臣

吳宮保熊光

錢通副澧  
曹錫寶  
謝振定  
武億

文敏公百齡

孫相國玉庭  
蔣攸銘

戴文端公衢亨

金尚書光悌  
戴簡恪公敦元

董文恪公教增

阮文達公元

卷二十二名臣

文襄公福康安

文清公松筠

李忠毅公長庚

王壯節公文雄

子珩

朱勇烈公紛斗

忠毅公額勒登保

壯果公德榜泰

文襄公長齡

卷二十三 名臣

楊思武公遇春

文毅公那彥成

汪文端公廷珍

楊勤勇公芳

嚴廉訪如燈

劉方伯清

傅廉訪鼎

潘文恭公世恩

卷二十四 名臣

趙文恪公慎軫

湯文端公金釗

姚文僖公文田

盧敏肅公坤

朱莊恪公桂楨

鄧制軍廷楨

陶文毅公澍

何文安公淩漢

卷二十五 名臣

林文忠公則徐

栗恭勤公毓美

陳忠愍公化成

王剛節公錫朋  
節公國鴻

葛壯節公雲飛

鄭忠

吳文節公文鎔

杜文正公受田

翁文端公心存

李文恭公星沅

呂文節公賢基

卷二十六 名臣

江忠烈公忠源

弟壯節公忠濟



忠武公塔齊布

羅忠節公澤南

李忠武公續賓

鄧忠武公紹良

胡文忠公林翼

何文貞公桂珍

畢剛毅公金科

趙忠節公景賢

卷五十七 名儒

孫先生奇逢

子博雅

魏一龍

黃先生宗義

弟宗炎

宗會

李先生隨

李柏陸鄉

王心敬

孫景烈

馮雲程

惠思誠

顧先生炎武

張昭

吳任臣

王先生夫之

兄介之

子敬

陸先生世儀

葉敦艮

盛敬

汪士韶

張先生履祥

何汝霖祝涇

凌克貞

沈磊

吳嘉玲

陳松

張先生爾岐

孫若羣

卷二十八 名儒

陳先生瑚

高先生世泰

高愈張夏

顧樞嚴毅

劉灼

吳慎

施璜

汪燧

沈先生國模

史孝咸采

王朝式

韓富

邵曾可

邵廷

刁先生包

子再廉

王餘佑

張潛

謝先生文海

宋之盛

甘京

章健

黃采

黃熙

沈先生的

姚宏任

應先生撝謙

凌嘉印

沈士則

秦雲爽

胡先生承諾

陳大章

劉夢鵬

卷二十九

名儒

李先生生光

黨成

陶世徵

朱先生用純

顧培

潘天成

湯之琦

金敞

王詰生

劉先生原淦

姜國霖

法坤宏

白先生奐彩

克湛

王化泰

張承烈

馬嗣煜

施先生閔章

曹先生本榮 張貞生

耿先生介 張沐

汪先生佑

卷三十 名儒

范先生錡鼎 王端

張先生烈 陳法

竇先生克勤

勞先生史 桑調元 汪鑒

李先生來章 冉覲祖

彭先生定求 弟甯求 孫紹升

李先生璠 顏元 王源 劉齊 張自超 劉捷

張先生鵬翼 童能靈 李圖南 李成文

卷三十一 名儒

朱先生澤澐 潘恬如 錢良 任德成

徐先生世沐

向先生璿 黃良輔 程登泰

李先生文炤 唐鑑

王先生懋竑

孟先生超然 謝金鑒

鄭先生文炳

伊先生朝棟

閻先生循觀

鄧先生元昌

姚先生學瑛

卷三十二

經學

閻先生若璩

萬先生斯大

萬先生斯同

錢先生秉鎧

子象

子象

韓夢周

宋昌圖

潘詒

劉傳奎

李鎧

子經

猶子言

方中通

滕綱

任瑛

楊開沅

方中履

吳上樞

宋鑑

馬先生麟王爾馨

毛先生奇齡陸邦烈

朱先生鶴齡陳啟源

劉先生獻廷

卷三十三 經學

梅先生文鼎孫文穆公穀成

薛先生鳳祚唐夢賓

王先生錫闢談泰

陳先生厚耀

胡先生渭葉佩蓀  
黃儀 顧祖禹

何先生煒 沈彤 陳景雲 陳黃中

惠先生士奇

陳先生祖范 蔡純音

臧先生璠 臧庸 臧禮堂

卷之十四 經學

顧先生棟高 吳鼎 梁錫璵

徐先生文靖

江先生永 汪紱 金榜

任先生啟運

全先生祖望 盛世佐



焦先生循

惠先生棟

王孝生鳴盛

金日追

費士璣

錢先生大所

第大昭

猶子塘

卷五十五 經學

朱先生筠

李威

盧先生文昭

孫志祖

丁杰

邵先生晉涵

戴先生震

段王裁

龔雁正

孫先生星衍

洪先生亮吉 趙懷玉 莊所 劉逢祿

洪先生榜 洪樞 程瑤田 汪龍 汪萊 羅永符 洪

任先生大椿 任兆騷 李惇 宋綿初 秦恩復 黃水

孔先生廣森 孔繼圖 輯錄行 鄭鴻第 趙會

卷三十六 經學

周先生永年 桂馥

程先生冠祚

崔先生述 陳履和

張先生秉言 董士錫

汪先生中 賈田祖 江德量 顧九苞 顧鳳毛 鍾璣

凌先生廷堪

余先生蕭客 江藩 汪元亮 袁廷樞 鈕樹玉

江先生聲 顧廣圻 徐頤 褚寅亮

鄒先生漢勛

卷三十七 文苑

侯先生方域

魏先生禧 兄際瑞 弟禮 彭士望 林時益 李騰蛟  
邱維屏 曾燦 彭任 梁份

宋先生琬 田雯 曹貞吉 顏光敏 王萃 徐夜 謝  
重輝 張篤慶

熊先生伯龍 劉子壯 金德嘉 顧景星 張仁熙 劉  
醕驥

汪先生琬 褚篆

王先生猷定 陳宏緒 徐世溥 歐陽斌元

梅先生清 梅庚 高詠 袁啟旭

丁先生澎 陸圻 柴紹炳 毛先舒 毛際可 孫治  
張綱孫 吳百朋 沈謙 虞黃吳

卷三十八 文苑

計先生東 潘耒 徐鉉 吳光騫

黃先生與堅 周肇 顧湄 許旭 王瑛 王攄 王昊  
王揆 王忭 王曜升 吳璟 崔華 郝

植 唐孫華

馬先生世俊 鄭忠倚 孫承恩 繆彤 陸肯堂 汪繹  
王式丹 王際 錢榮

葉先生燮 顧有孝 鈕琇 李重華 顧我綺

陳先生元孝 屈大均 梁佩蘭 程可則

趙先生執信 吳雯 馮廷樞 馮班

孫先生枝蔚 王又旦 李念慈 張恂 王安撰 李楷

邵先生長衡 董以甯 郝祇謨 陳玉璣

卷三十九 文苑

彭先生孫適 倪燦 汪霽 徐嘉炎 沈珩 沈筠 方

尤先生侗 馮勛 范必英 錢中諧 曹禾

朱先生彝尊 嚴繩孫

陳先生維崧 吳綺 章藻功

李先生因篤

汪先生楫 汪懋麟

李先生澄中 龐璫 米漢雯 袁佑 崔如岳

喬先生萊 邱象隨 李鎰 張鴻烈 鄧漢儀 吳嘉紀

卷四十 文苑

陸先生萊 兄子奎勳

杜先生詔 潘高 許廷鏐 李果 盛錦 翁照 黃之

湯先生石曾 嚴沆 徐倬 李鄴嗣 汪文柏 沐用濟

姜先生宸英 嚴虞惇

查先生慎行 查昇 查嗣璫

汪先生份 吳廷楨 張大受 顧嗣立 黃越 王步青

周先生質 王翊 范路 朱一是 沈進 李麟友 李

藍先生鼎元

朱仕琇

黃任

王先生文清

郭煥

羅典

余廷燦

唐仲冕

卷四十一

文苑

鄒先生一桂

黃勤敏公鉞

張先生鵬翀

曹仁虎

諸先生錦

揚慶

汪

沈廷芳

夏之蓉

徐士璠

周長

杭先生世駿

厲鶚

符曾

汪沆

齊先生召南

陳兆崙

劉先生大櫨

方世舉

方貞觀

胡先生天游

周大樞

萬光泰

金農

陳撰

丁敬

沈先生炳震 弟炳謙

馬先生日琯 馬日璣 趙昱 趙信

卷四十二 文苑

趙先生青藜 汪越

黃先生永年 陳道 魯九皋 陳用光 吳嘉賓

袁先生枚 王友治

竇先生光鼐 趙佑

邵先生齊燾 王太岳 劉星燁 吳錫麟 曾煥 吳鼐

翁先生方綱

蔣先生士銓 子知廉 樂鈞 知讓 楊屋 汪朝 吳嵩梁



陸先生錫熊嚴長明 吳泰來 趙文哲 程晉芳

卷四十三 文苑

趙先生翼鄭夔

姚先生鼐吳定 姚學 劉開 吳德旋 梅曾亮 管

張先生九鉞張九鍵 張九鎰 張九鐔

鐵先生保夢麟 李錯

秦先生瀛管世銘

法先生式善王芭孫 何道生

惲先生敬李兆洛 湯貽汾

舒先生位王曩 孫源湘

卷四十四 文苑

張先生問陶 彭端淑 李調元

黃先生景仁 楊芳燦 楊揆

黎先生簡 張錦芳 馮敏昌 溫爾适 趙希璜 胡亦

宋先生湘 張維屏

鮑先生桂星 程恩澤

許先生宗彥

鄧先生顯鶴 歐陽輅 魏源 湯鵬

陳先生洪綬 崔子忠 羅聘

王先生翬 黃鼎

鄧先生石如

卷四十五 遺逸

徐先生枋

戴易

巢鳴盛

沈磨生

沈先生壽民

汪先生颯

郭先生都賢

陶汝鼎 郭金臺

何先生宏仁

李先生天植

鄭嬰垣

劉永錫

陸元泓

邵先生以貫

張廷賓

余先生增遠

卷四十六 遺逸

惲先生日初 子壽平

祁先生班孫 魏耕

沈先生光文 張士櫛

陸先生宇燭

周先生元懋

傅先生山

張先生怡

李先生權 甯宏

卷四十七 遺逸

夏先生汝弼郭履踐

唐先生訪瞿龍躍

張先生蓋申涵光 殷岳

李先生世熊

董先生說

芮先生城湯泰亨 戴笠 徐白

李先生魁春

陳先生南箕弟觀

卷四十八遺逸

鄧先生大臨

張先生若化

弟若仲

夏先生道一

李孔昭

張翼星

杜越

杜先生濬

弟芥

王先生大經

吳先生光

陳先生五簋

李之宣

李嘗之

八大仙人

一壺先生

卷四十九

循良

駱太守鍾麟

崔宗泰

白刺史登明

宋刺史必達

趙給諫吉士

李明府麟

任寺丞辰旦

楊太守朝正

陸明府在新

卷五十 循良

張通守壩

董都憲宏毅

劉明府繼聖

衛太守立鼎

遲明府維坤

張太守克疑

王廉訪縞

劉方伯榮

陶刺史元淳

卷五十一 循良

莊副使亨陽

陳少卿汝成



佟刺史國瓏

夏明府熙澤

沈明府光榮

陸觀察師

張明府士琦

陳方伯德榮

周太守中鉉

卷五十二 循良

施明府昭庭

葉太守新

葉觀察士寬

翁刺史運標

蔣郡丞祝

朱明府宏仁

龔明府鑑

童太守華

卷五十三 循良

王太守時翔

牛明府運震

李太守大本

周觀察克開

鄧太守夢琴

李明府炯

朱明府休度

汪明府燠祖

劉明府大紳

李方伯賡芸

卷五十四

張明府吉安

史刺史紹登

蓋太守方泌

劉觀察衡

李明府毓昌

彭戶部永思

俞都轉德淵

石郡丞家紹

張明府琦

白協戎雲上

卷五十五 孝義

趙孝子希乾

閩孝子

黃孝子向堅 顧廷琦 劉龍光

錢孝子美恭 劉獻煜 劉德濟

顏孝子伯璟

陳孝子嘉謨 賀上林 何士閔

曹孝子超 張維德 張振祚 薛玄 薛化禮

王孝子原

耿孝子燿 耿極 耿光 耿於彝 耿輔

卷五十六 孝義

劉孝子恩廣 子青藜 王瑛 李恂 劉星 郭培塿

顏孝子中和 顧鼇

吳孝子紹宗

朱孝子壽命

楊孝子文蔚

蕭日瑣

張孝子燾

郭居鼎

江大賓

鄭孝子江

吳國擎

何履旭

李盛山

林開登

謝孝子獻恂

陳開運  
萬春

鄧成珠  
賴用賢

李人鳳

李人彪

余

沈孝子萬育

卷五十七

孝義

王孝子恩榮

謝孝子萬程

王全

蕭孝子啟聖

弟鳳騰

王孝子麟瑞

劉必泰

邱永彰

胡士宏

黃孝子農

子商衡

胡孝子隆

林孝子長貴

弟長廣

黃學朱

李孝子維煌

卷五十八

孝義

黃孝子洪元

盧孝子必陞

周孝子士晉

潘德馨

施孝子聖揆

楊嘉植

劉孝子炳

任孝子遇亨

任裕德

劉孝子鑑

曹孝子起鳳

卷五十九

孝義

汪孝子一元

汪一崧

王品璋

張孝子大觀

蔡應泰

楊瑛

劉芳

常孝子裕綸

史印曾

范孝子仲光

朱有合



奚孝子緝營

鄧孝子觀瀾

潘孝子瑁

龐孝子佑

卷六十 孝義

湯孝子淵

黃孝子有則

胡孝子其愛 潘周岱

高孝子啟慶

朱孝子修來

吳孝義紹先

蘇良昌

李孝義長茂

黃成富

陳福

譙衿

吳孝義鴻錫

平江 孔廣心澄齋

湘陰 蔣恭鑑東菴校訂

平江 楊存蔚珩生

國朝先正事略目錄終

國朝先正事略卷之一 名臣

平江李元度次青纂

范文肅公事畧

子忠貞公承謨

承勲

孫時崇時繹等

國家肇興東土光宅方夏開國佐命之英皆天潢貴胄位列親藩勲在冊府未敢援入先正之列卽翊運動勲臣之作饗

太廟者若信勇公費英東宏毅公額亦都武勲王揚古利等又皆立功天命天聰崇德間在

世祖章皇帝統壹區宇之先故論入闕後宣力文臣必以范文肅公稱首公厯事

太祖

太宗當王師入關時首定大計勸進兵詔勅機諭皆出其手終

世祖朝位元輔經營草昧用弼成我國家丕丕基業於

聖祖康熙五年躬閱四朝登上壽子孫繼武爲國宗臣視漢

之鄼侯留侯唐之房杜宋之趙中令元之耶律文正明之誠意

伯有過之無不及已公諱文程字憲斗瀋陽人本宋文正公仲

淹後少穎敏沈毅讀書通大義爲諸生天命三年杖策謁

太祖高皇帝於撫順偉其貌詢其家世謂諸貝勒曰此名臣後

也厚遇之命直文館參預帷幄天聰三年我軍解大安圍克

遵化五年招降大淩河城六年陳進取秘計七年援明將孔有

德來歸皆公策也會初收固山額眞廷議首推公

太宗曰此一軍職耳范章京朕之心膂其別議之時宏文館尙  
未有大學士而公所領皆樞密重事每召對夜漏逾數十刻  
始出或未及食息復奉召率以爲常崇德二年改六館爲內  
三院授公秘書院大學士加世職二等甲喇章京每議大政輒  
資籌畫八年擢隸漢軍鑲黃旗是歲

世祖嗣服明年爲順治元年四月流賊李自成陷明北京明將  
吳三桂來乞師

上召公於湯泉決策進兵公力疾趨朝建議曰自闖賊猖狂中  
原塗炭近且傾覆京師戕厥君后此必討之賊也雖擁衆百萬

橫行無忌。然揆其敗道有三。逼殞其主。天怒矣。刑辱搢紳。拷劫財貨。士憤矣。掠民貲。淫人婦女。火人廬舍。民恨矣。備此三敗。行之以驕。可一戰破也。我國家上下同心。兵甲選鍊。誠聲罪以討之。恤其士大夫。拯厥黎庶。兵以義動。何功不成。又言好生者。天地之德也。兵者。聖人不得已而用之。自古未有嗜殺而得天下者。今誠欲統一區夏。非乂安百姓不可。於是大軍遂發。公扶病隨征。申嚴紀律。秋毫勿犯。妄殺者罪之。二十二日入關。大戰敗賊兵二十萬。我軍長驅而西。民多逃匿。公草檄宣諭。言義兵之來。爲爾等復君父仇。非敵百姓也。今所誅者。惟闖賊官。來歸者。復其官民。來歸者。復其業。必不爾害。民心遂大安。五月朔。搆

政。督。親。王。多。爾。袞。帥。師。入。燕。京。公。建。議。首。先。爲。明。帝。發。喪。易。梓。宮。備。儀。衛。議。諡。號。爲。文。紀。其。事。十。月。朔。

世祖定鼎。公疏請撫遺黎。起廢斥。定冊籍。減賦額。盡除明季加派稅餉。厥衛諸弊。政嘗晝夜在闕下。事無巨細。應機立辦。開國規制。公手定者爲多。中原既定。請再行鄉會試。以致人材。國用不足。請與屯田。又上保舉連坐法。詔皆立予施行。累加一等。

梅勒章京及一等男世爵。賜號巴克什。六年。任議政大臣。纂修實錄。加世爵至一等子。晉少保。兼太子太保。以疾乞休。優。

詔許暫解職調理。病痊卽召用。特加太傅。兼太子太師。

世祖親調藥餌。賜十四年。詔遣畫工就第圖公象。藏於。



內府康熙元年

上諭閣部曰。原任大學士范文程希福甯完我額色黑。皆

太宗文皇帝股肱之臣。勲勞最著。其子宜擢用。越四年公薨。

聖祖震悼。輟朝二日。再造大臣致奠。賜祭葬加等。予諡文

肅。御製碑文勒墓上。五十二年。御書元輔高風額其祠。公

嘗言。天下治安。惟在得賢。庶官中有一。皆不掩者。悉爲奏請。滿

擢後。皆稱職。於直臣善類。尤力保全。性廉慎。好施與。器量宏深。

人莫測其喜怒焉。雍正中。詔入祀賢良祠。長子承斌襲一等

子爵。四子承烈字彥公。累官戶部侍郎。

次子承謨字觀公。順治九年進士。由編修累遷國史院學士。康

熙七年巡撫浙江故事督撫受事必劾不法吏兩司列狀請公  
閱而晒曰是欲吾舍豺狼而問狐狸也還之一日出片紙盡列  
兩浙豪惡姓名及罣吏之尤者劾繫真之法聞者皆悚息會杭  
嘉湖水災奏貸庫銀八萬兩買米平糶并請蠲緩又許最貧者  
得附老弱例肩鹽自給全活者多先是甯台溫處金衢諸府屬  
荒田經前總督趙廷臣請除額賦有旨命承謨履勘至是遍  
歷其地奏豁荒田地二十九萬四千六百畝有奇水衝田地二  
萬一千九百畝有奇十年因疾解任浙江總督劉兆麒提督塞  
白理各據民詞籲畱給事中姜希轍柯聳御史何元英等亦言  
其愛民如子劾貪除猾杜加耗私派陋規單騎勘荒悉心賑恤

浙人愛戴請特勅勉畱。有旨俯順民情畱原任在浙四載。民安其治。每出巡山農進瓜果脫粟飯受食之日。與父老童稚接以故。悉民疾苦得設施拯恤。十一年擢福建總督。以疾辭不允。請。陛見。許之。明年入覲。

上遣御醫診視。賜葠藥趣赴新任。解御衣冠及鞍馬。賜之初。福建總督駐漳州。至是將撤靖南王耿精忠藩屬回京。特命移駐福州。抵閩疏陳軍屯之利。請令士卒墾荒地。六年始裁其餉。又言閩人生計非耕卽漁。自海禁嚴徙沿海民居內地。廢民田二萬餘頃。虧賦額二十餘萬。請聽民沿邊捕採取魚課以益軍餉。十二年吳三桂反雲南承謨密疏言功令考成過重。

盜案處分過嚴。致有司專務催科。且諱盜。請以寬大繫民心。會精忠陰附三桂。公察其有異志。計督撫標兵少。又與精忠所部習不足恃。乃疏請增兵。復舊額。又請巡海嶠。赴漳泉。閱鎮兵。以遙制之。疏上。未及行。客謂公曰。滇氛已及楚矣。盍以備鄰。封爲辭。出據其上流。乎公曰。彼逆猶未發也。我動彼且得閒。謂我據地陰圖之。因以怒其下。是我失守而激變。不可爲也。乃密檄諸道將。以謁新總督爲名。各率健兒赴行省。用折逆謀。事未集而精忠叛。是年三月。精忠詭言海寇至。邀與計事。巡撫劉秉政附精忠。促之行。公知有變。左右請環甲以從。曰。眾寡不敵。備無益也。乃坦然按轡至。則逆衆露刃相脅。公挺身前。罵賊。精忠素憚

其威望恐殺之重民怒乃閉諸土室置守者三十二人絕粒八日不死精忠遣秉政說降秉政且進且揖公奮足蹴之仆地罵曰逆臣不日當就誅我先禡其魄在械所三載冠御賜冠衣辭母時衣每朔望奉時憲書一帙北面再拜閒爲詩文以桴炭畫壁上被繫時部曲有張福建者手雙刀奮呼奪門連斃賊力竭而死蒙古人麻尼守者三十二人之一也感公忠義謀令出走事泄精忠將磔之大言曰吾甯與忠臣同死不願與爾逆賊同生十五年九月王師入仙霞關精忠將降冀飾辭免死恐公暴其罪遣逆黨逼令就縊以滅口時賊以夜至公起索冠賊奪而擲之乃以械扶擲冠者頭尋整衣望闕九頓首就縊幕

落無錫。積永仁會稽王龍光華亭沈天成從弟承譜及親屬家  
丁隸卒五十三人並遇害。舊役王道隆以奉使還至延平間變  
自刎死。賊焚公尸棄之野。泰甯騎兵許鼎預伏宿莽中乘夜收  
得殮體。明年潛負至京師。

天子震悼。遣內大臣奠爵。贈兵部尚書。加太子少保。廕一子

入監。賜祭葬。諡忠貞。御書碑文。賜其家。十九年精忠赴

市朝。公子時崇手砒其肉以祭墓。福建士民立專祠於道山。

御書祠額曰忠貞炳日。所著有吾廬存稿。蒙谷白序百苦吟及

書壁遺稿。時崇以稿進呈。

聖祖親製序。雍正中詔入祀昭忠祠。

三子承勲字蘇公由員外郎授御史論事侃侃疏言八法以貪  
爲首貪吏僅羅薄譴何憚不爲請按律嚴擬毋徇庇下部議行  
尋改吏部郎中康熙二十年川東賊譚洪復叛詔領禁兵會  
勲且督滇餉承勲以赤水地少米勸諭土司輸粟麥給軍預遣  
官赴滇截陷黔餉師以不匱二十三年九卿遵旨舉廉吏承  
勲與焉擢內閣學士明年巡撫廣西容鬱等州縣先陷賊奏免  
追通賦又明年擢雲貴總督至卽整飭營伍捐俸建學宮置禮  
樂器聘名士纂修通志所規畫動中機宜威惠大著夷中有魯  
魁山跨連數郡諸裸窟穴其中時出劫掠馳檄曉以利害渠魁  
楊宗周等遂籍土以獻時窮搜吳三桂舊部解送京師承勲奏

請已入伍者許仍歸伍。其來歸者分別發營。願歸農者聽於是。軍民貼然。二十七年。雲貴左協兵變。縱火殺掠。省城兵與通約。七月二十日夜分舉事。公偵知之。是夜擒首惡唐金等。令終夕擊二鼓。賊黨聞曉。鐘始知事泄。皆就縛。誅十有三人而定。左協叛兵潰走黔。欲入楚。公謀知所向。先檄諸路勒兵。賊方攻交水。各路兵至夾擊。賊窮蹙乞降。斬首惡二十餘人。亂遂靖。魯魁降。賊李尚義。普爲善等復出掠。遣兵攻入其箐。尚義死。爲善面縛投誠。自是諸夷惕息。官斥藩莊核其價。省民間溢費二十餘萬金。在順九年。所祛蠹弊甚多。而清鹽筴不得按戶抑派。酌道里遠近。定支撥軍餉條例。吏不得巧法賤民。至今賴之。裁六衛五



所併歸州縣。逃亡皆復故土。三十二年入覲。

聖祖曰。爾係盛京舊人。爾父累朝效力。爾兄又爲國捐軀。朕因見爾思及爾兄心。爲慘切。不見爾八九年矣。爾鬢髮遂皓白如此。耶解。御用貂冠貂褂狐白裘。賜之。并賜御書世濟其

美額。明年內遷左都御史。尋督兩江。初公在滇。黔發奸糾暴。無所貸。至是專務清靜。以與民休息。奏免民賦者五。豁免賊州縣所失資儲無算。駁正漕督誤題人額賦者一歲。大禮奏發米穀九十三萬石。有奇。賤帑先發後聞。議有格而復奏。至再三者均蒙特允。鹽城令某貪橫。以與要人有連。大府不敢呵。公下車有寡婦某訟之。立斥罷。三十八年授兵部尚書。四十三年請老。允。

之加太子太保。晉五級。五十二年薨。遺疏入。諭稱其敬慎自持。勤勞久著。賜祭葬如例。

承謨子時崇。由廕生。授知州。累遷府道。貴州福建按察使。山東布政使。康熙四十四年。巡撫廣東。命兼理鹽政。

上發函章。諭以兩廣鹽政積弊甚多。朕已察得數條。特命查辦。時崇疏陳鹽政七則。一鹽政衙門歲有羨餘十萬兩。宜盡充公用。有一種蠹胥。名曰發收。於鹽政初蒞時。任意播弄。導以急羨。餘而緩正課。宜革除。一鹽政遣內差坐守場口。名為緝私。止知勒索。宜禁革。而以緝私責成地方官。一知事大使及潮州運同廣惠分司。均屬冗員。宜裁汰。一運司向得羨餘六萬兩。應解

河工銀萬兩銅斤水腳銀二萬兩以外均應充公一行鹽地方  
文武官皆有陋規名曰茶果宜禁革再犯以贓論一請借運庫  
銀三萬收買私鹽俾化私爲官一革除總商名色部議均如所  
請又疏言前耿逆之變隨臣父殉難者五十三人內生員嵇永  
仁王龍光等俱被幽囚三載死難甚烈經前撫臣題請贈銜卹  
以生員無追贈例議寢乞特勅追贈卹祀臣父祠堂乃贈永  
仁龍光及沈天成范承譜等國子監助教學正有差並入祠陪  
祀四十九年擢閩浙總督獲海賊鄭盡心解京伏法五十三年  
陛見賜御製詩有棟樑祖德家聲重蘭桂孫枝令譽清之句  
序云閩浙總督范時崇陛見來京朕每念伊祖爲開創宰輔伊

父乃忠義名臣。所以待之優重。今因回任。特賦詩餞送。其受恩眷如此。明年授左都御史。遷兵部尚書。五十九年薨。賜祭葬如典禮。前官福建按察時。明允哀矜慈而善斷。士民並祀之。道山。

承勲子時繹。由參領授副將。擢總兵。雍正四年。詔署兩江總督。遷都統。仍署總督。疏請將江蘇安徽所屬丁銀勾入地畝內。征填以雍正六年爲始。從之。尋擢戶部尚書。權總督如舊條上。兩淮鹽政七則。下部議行。會詔發帑銀交督撫提督營運。以濟兵丁。江南督標應領銀六千。時繹慮標員有侵擾弊。奏請將銀承買入官。變價房產。納租備用。

上嘉其妥協七年坐事免命協理河務爲總督田文鏡所劾  
部議論死得旨寬釋授副都統十年遷工部尙書兼管兵部  
十二年罷又有時紀時綬時捷者皆文肅公孫也時紀由廕生  
累官郎中授廣東糧道遷鹽運使乾隆二十五年入覲諭曰  
范時紀爲漢軍世族見在伊家並無大員著畱京以副都統用  
尋擢工部侍郎調倉場侍郎未幾調戶部四十二年調禮部侍  
郎尋卒時綬字緩齋由主事累遷郎中授山東濟東道遷安徽  
按察使湖北布政使乾隆十六年擢湖南巡撫疏言湘陰益陽  
續墾田千餘頃係瀕湖隙地請暫免升科又洞庭爲受水之區  
私垸日增則上流受害已勸諭毀垸並嚴禁添築水得暢流十

八年調撫江西。以病歸。二十七年。起戶部侍郎。請赴西路屯田。効力。賞孔雀翎。命馳驛前往坐事。免。賞頭等侍衛。尋授副都統。三十年。除吏部侍郎。明年。晉左都御史。又明年。授湖北巡撫。三十三年。入爲都統。再授左都御史。遷工部尙書。尋調刑部。四十七年。薨於位。時捷字子上。一字敬存。襲子爵。累官陝西巡撫。古北口提督。入爲都統。時綬子宜恆。由雲麾使授參將。游陞福建總兵。憂歸。尋授副都統。乾隆五十七年。奉特旨。原任大學士范文程在國初時。勲庸懋著。其子承謨。又靖節捐軀。今其裔孫內。無文職大員。殊堪軫念。范宜恆著加恩。補授工部右侍郎。仍兼副都統。嘉慶元年。擢戶部尙書。尋卒。

圖昭勲公事畧

自古貞元肇造。必有熊羆之士。不二心之臣。世篤忠貞。贊成王業。我朝異姓勲臣。侑饗。

清廟。以直義公爲首。而昭勲公則其第七子也。昭勲公諱圖賴。姓瓜爾佳氏。滿洲正黃旗人。父直義公諱費英東。驍果善射。引強弓十餘石。天命初。從其父索爾果。率所部來歸。

太祖嘉之。授一等大臣。尙主。自少從。

太祖征討諸國。三十餘年。每戰身先將士。突堅陣。當其鋒者輒糜碎。以功授三等子。世襲。命與何和哩。額亦都。扈爾漢。安費揚古。爲五大臣。佐理國事。天命四年。明兵四路來侵。一軍據薩。

爾游山巔。直義公率本旗兵進擊。大破之。

太祖之取撫順也。明兵來援。投石飛火。直義公馬驚逸。諸軍欲退。乃迴馬大呼。揮諸軍猛進。卒破之。

太祖拊髀歎曰。萬人敵也。從攻葉赫城上。矢石雨下。直義公及諸將皆被創。

太祖命之退。對曰。我兵已薄城下矣。何退爲。再命退。對曰。勢已垂克。請勿疑。竟拔其城。性忠直。敢強諫。獎善黜惡。宣力殫心。以佐成。大業五年三月薨。年五十有七。

太祖親臨其喪。痛哭。復臨其墓。

太宗卽位。追封直義公。配饗。



太廟以其長子察哈尼襲爵。賜勅免死二次。順治十六年。追論佐命功。第一。晉世爵爲一等公。康熙九年。聖祖御製碑文。勒石紀勲績。大駕東巡。親酌其墓。雍正九年。

世祖皇帝加封號曰信勇公。而昭勲公能繼其武。其公號亦錫名。雄勇云。昭勲公少襲三等總兵。世職坐事罷。隨征董鄂及甯遠。並有功。天聰三年從。

太宗伐明。進薄燕京。明總兵滿桂以師赴援。公直前衝擊。斬馘甚衆。授騎都尉。世職四年。隨大貝勒阿敏等鎮永平。敗明兵於灤州。師還。大貝勒棄永平出邊。明兵百餘來追。公率十六人還。

戰盡殲其眾。尋授三等輕車都尉。五年從征大凌河。圍其城。明兵四萬來戰。公躍馬衝陣。敵兵潰走。遂擒監軍道張春。旋征大同。拔靈邱縣及小石城。敘功晉世職二等。九年任護軍統領。隨貝勒多鐸入廣甯。率兵先趨錦州。明總兵祖大壽以兵三千來禦。未及戰。明兵驚潰。俘馘無算。崇德二年授議政大臣。明年隨貝勒岳託伐明。率師先驅踰牆子嶺。攻克十一臺。進兵山東。明兵八千來禦。蒙古兵少卻。公奮力鏖擊。敵以百騎突至。公搏戰陷堅陣。大敗之。旋敗明閣部劉宇亮等兵於通州河上。拔四城。晉爵三等男。六年圍錦州。明兵自松山赴援。擊敗之。先是蒙古有降明者曰諾木齊。在圍城中遣人約獻東關以降。至是事泄。

明兵圍諸木齊家公登城力戰殺敵出諸木齊以歸復破松山  
其拔塔山杏山二城晉一等男八年攻拔中後所及前屯衛  
晉三等子順治元年大軍抵山海關流賊李自成遣兵拒戰公  
率前鋒破賊將唐通於一片石既入關破自成兵復會大軍追  
敗之於望都超授三等公是年十月豫親王多鐸帥師下河南  
自成走陝西公至孟津率精兵先渡河明守將黃士欣等各遁  
去瀕河十五寨堡兵民皆望風納款睢州總兵許定國等率眾  
降進薄備關賊遣僞侯劉宗敏沿山列陣以拒公率騎兵百四  
十人進戰皆一以當百設伏掩擊盡殲之明年賊將劉方亮整  
眾來窺公與護軍統領阿濟格尼堪等率五旗將領迎擊賊懼

而奔蹙之俘敵甚眾自成聞敗集兵固拒公合三旗兵力戰殲其步卒餘騎奔竄賊糾眾又至連戰敗之遂破潼關賊大潰自成遁陝西既定移兵下江南攻克揚州追明福王朱由崧於蕪湖敗靖南伯黃得功兵得功中流矢死遂獲福王餘眾悉降師旋晉爵一等公公性伉直嘗謂攝政睿親王曰圖賴自誓於天

効忠

主上不避諸王貝勒大臣嫌怨久矣圖賴有過王若不言恐終不免於罪戾今欲改過自新王幸毋姑息不我教誡也會睿親王於午門集議大學士譚泰擅隱諭旨罪三日未定公面詰之曰胡遲久不決耶聲色俱厲王怒拂衣起諸王執公將罪之

王曰雖然此非退有後言比且爲國効勤矢忠無他意也解其縛而貸之三年任都統隨端重親王博洛進師浙閩軍次杭州初我軍下杭州時營於江岸杭人見之謂潮至必沒旣而潮二日不至咸駭爲神遂開門降至是魯王朱以海據紹興其總兵方國安等營於錢塘江東岸艤舟以拒我軍江廣十餘里其下莫測波濤凶惡舟楫不得停泊謂嶺陵濤也公躍馬從上游徑渡僅沒馬腹諸軍隨之大濟呼聲震天遂分兵縱擊國安益驚以爲神盡棄戰艦挾魯王遁保台州公奮力追剿遂克台州并拔金華衢州等城浙東平會端重親王令與都統漢岱分兵下福建公自衢州統所部兵擊敗明閣部黃鳴駿於仙霞關攻克

浦城漢岱亦自廣信破分水關入崇安十五戰皆大捷下十城  
明唐王朱聿鍵走汀州諸將乘勝追擊斬唐王及馬士英等盡  
降其衆閩海悉定回次金華薨年四十有七子輝塞襲爵公天  
性忠鯁勇而善謀能以寡覆衆無能禦者結髮事戎行屢立奇  
功未嘗一挫嗣薨後二年貝子屯齊等誣以黨徇睿親王追論  
之奪輝塞爵籍其家

世祖皇帝親政知公無罪且念舊功追諡昭勲配饗

太廟 御製碑文旌焉復輝塞一等公還所籍雍正九年 詔

加號雄勇公

圖忠義公事畧

本朝異姓勲臣配饗位次首信勇公費英東次宏毅公額亦都二公皆兩世配食

清廟信勇公子以雄勇公圖賴爲最著宏毅公有子十六人其尤肯構者則圖忠義公也公諱圖爾格姓鈕祜祿氏滿洲鑲黃旗人父宏毅公額亦都世居長白山父母爲仇家所害年十三手刃其仇避依其姑家

太祖高皇帝過其地識爲眞主辭姑從行生而驍果善戰能挽十石弓初令討尼堪外蘭於圖倫城先登又攻色克濟城掩其不備取之尋命取巴爾達城至渾河河漲不能涉以繩聯軍

士魚貫而渡夜薄其城先登城上飛矢貫其股著於雉堞揮刃斷矢賊益厲被五十餘創不退卒拔之

太祖郊迎燕勞悉賜所俘獲遂賜號巴圖魯薩克察之入寇也宏毅公率數人敗之夜入其城連克數城寨戰功冠一軍師旋

上迎勞如初界藩有科什者以勇聞盜九馬遁宏毅公單騎追斬之盡返所盜馬會葉赫九國合師來侵

太祖命以百騎挑戰敵悉眾來犯奮擊殪九人敵卻大兵繼之遂斬葉赫貝勒布齊九國兵皆潰我軍有齊法罕者戰歿宏毅公直入敵陣奪其尸而還訥廢路者九國之一也既敗歸復聚



七塞。累。來。犯。據。佛。多。和。山。宏。毅。公。帥。師。攻。下。之。

上。賜。所。乘。馬。以。旌。其。勞。自。後。征。東。海。各。部。所。向。克。捷。取。雅。攏。路。  
俘。至。萬。人。天。命。四。年。明。經。畧。楊。鎬。統。兵。二。十。餘。萬。分。四。路。來。侵。  
大。貝。勒。代。善。出。禦。明。總。兵。杜。松。王。宣。趙。夢。麟。兵。於。撫。順。過。扎。喀。  
關。議。駐。師。僻。地。以。俟。

太祖時

太。宗。文。皇。帝。方。爲。四。貝。勒。謂。界。藩。山。有。築。城。夫。役。宜。耀。兵。向。敵。  
以。壯。兵。役。之。氣。不。當。駐。僻。地。示。弱。眾。議。未。決。宏。毅。公。進。曰。貝。勒。  
言。是。也。遂。進。師。界。藩。會。

太祖大兵亦至大破明兵於薩爾滸山明三總兵皆陣歿又破

明總兵馬林於尙間崖劉綎於阿布達里岡公皆在事有功每戰輒爲軍鋒自弱冠從征討歷四十餘年攻城野戰未嘗挫衄每克敵受賜皆分給有功將士纖毫不以自私

太祖初娶以宗女復以和碩公主降焉與信勇公費英東等同爲五大臣佐理國政累官至一等內大臣爵一等子天命六年薨年六十

太祖親臨哭之慟

太宗卽位追封宏毅公特命配饗

世祖命建碑隧道表勲烈後

聖祖東巡盛京復親酌其墓圖忠義公其第八子也自幼從

行高累功至輕車都尉世職任都統與十六大臣之列又以父  
勲晉子爵天聰三年從

太宗伐明克遵化城有功

上命貝勒阿敏等守永平而以公及都統納穆泰守灤州四年  
五月明合兵攻灤州公與納穆泰分汛固守出奇兵殺敵敵轉  
攻納穆泰汛地公急遣阿王什分兵往援會火及城樓有執纛  
者乘雲梯登阿王什揮刀斬之奪其纛敵卻時貝勒聞灤州被  
圍不急救及遣將率兵數百來援夜三鼓突圍入城而城已垂  
破翼日明兵發巨礮攻城城壞城樓焚公度力不能支率眾潰  
圍弁貝勒軍貝勒大驚棄永平遁公諫之不聽乃殿後全師而

還坐不能力諫。削世職。解都統任。五年。從征錦州。率護軍駐松山間。夜截明兵之赴松山者。斬級二十。有星訥者。我軍統將也。方戰。墜馬。敵還取星訥。公從三十騎馳救。翼之出。會明人將城大淩河。率兵往探。俘其人畜以歸。起吏部承政。從

太宗攻大淩河。分圍城東北面。敵兵突出。犯我南礮臺。公不及騎。徒步擊走之。畧松山及錦州。並有功。八年五月。

太宗伐明。入大同。命帥兵駐張古臺河。以扼敵師。九年春。從貝勒多爾袞往招察哈爾。降其長額哲遂。畧山西。自平魯衛入毀甯武關。躡代州。乘勝至忻口。遇伏。敗之。追至崞縣。殲其眾。還經平魯衛。明兵邀我師於途。公親陷陣。殺敵百人。敵敗入城。不

敢出公策敵且復至設伏以待而身爲之毀明錦州總兵祖大壽等合大同鎮兵三千來追公返兵用步戰術其中堅伏起夾擊大敗之授一等男爵復任都統崇德元年隨武英郡王阿濟格攻克明昌平雄縣並先登二年坐事免先是公尙和碩公主公主所生女爲貝勒尼堪福晉福晉無子詐取僕女爲女至是事敗公應論死得旨寬免罷其任尋攝都統事三年隨貝勒多爾袞破明總兵侯世祿等兵復敗敵於董家口毀邊牆入奪青山關下四城五年秋隨貝勒圍錦州取其禾連破錦州松山兵又偕都統葉克舒帥兵三千伏隘口伺敵敵眾千餘來戰葉克舒馬中箭蹶敵人將兵之公射敵敵殪救之上馬併力衝殺

敵敗復合凡六戰六勝身被二十餘矢馬亦重創猶殿後力戰  
悉保所俘而還晉子爵擢內大臣六年秋明經畧洪承疇率兵  
十三萬援錦州

太宗親征明旣敗承疇兵命隨阿濟格邀擊明敗兵於塔山  
時明總兵曹變蛟吳三桂王璞等各引本部兵遁而變蛟兵夜  
突鑲黃正黃兩旗汛地犯御營甚急軍中侍衛及守營大臣  
方大驚不得前公奮呼發矢應弦殪二人率諸將併力攢射敵  
始敗去又隨豫親王多鐸設伏敗吳三桂王璞兵於高橋七年  
冬隨饒餘貝勒阿巴泰帥師伐明直抵山東兗州俘明魯王及  
樂陵陽信東原安邱滋陽諸王并各王府宗室官屬幾千人下

府三州十八縣六十七八年夏班師。賜白金千五百兩。晉爵二等公。順治二年二月薨。年五十。公忠勇有父風。才畧過人。屢受文武重寄。勲伐最著。九年。追諡忠義配饗。

太廟立碑墓道。雍正九年。賜公號曰果毅子科布梭襲。

準襄毅公事畧

兄薩穆什哈

弟雅賴

公諱準塔姓佟佳氏滿洲正白旗人父扈爾漢國初從其父扈喇虎來歸

太祖養以爲子賜姓覺羅授一等大臣居五大臣之列嘗奉

命遷蜚悠城之眾以兵三百護之先行烏喇遣萬人邀諸路乃結寨山嶺分百人衛之身帥二百人拒敵敵不能犯次日諸將至遂大破其眾從征東海烏濟部降呼葉路收二千戶以歸

太祖嘉之賞甲冑名馬

賜號達爾漢尋征虎爾哈路圍扎庫

塔城三日攻克之又從征烏喇乘勢奪門遂克其城進征東海薩哈連部收河南北三十六寨及黑龍江北十一寨又招降使



大使鹿諸部長天命四年明兵四道來侵從擊撫順開原二路大敗敵眾明總兵劉綎宿將也由寬奠口進董鄂路

上命率兵千人伏山隘以待及至眾貝勒帥勁旅夾攻綎倉卒不及陣殲其眾五萬人綎戰死其率兵往禦董鄂路也道遇明游擊喬一琦擊敗之一琦奔朝鮮營自縊死明年從

上伐明敗總兵賀世賢等軍於瀋陽每戰輒爲軍鋒奮不顧身厯加世職至三等總兵官薨年四十有八

太祖親臨哭之長子渾塔襲職公其第四子也天聰入年任參領授騎都尉世職崇德二年隨武英郡王阿濟格征明皮島王以敵兵堅守屢月不能克集諸將同策公與參領鼐拜抗聲曰

志不強。力不果。氣不銳者。不下此城。塔拜丈夫也。請詰旦先登。誓必克之。否則不復見王。遂連舟。越眾渡海。舉火爲號。以待後軍。時敵兵據堡列陣。公與鼃拜冒矢石。奮擊肉薄而登。遂克其島。敎功超授三等男。賜巴圖魯號。擢都統。隨貝勒岳託趨密雲。攻牆子嶺。八旗並進。公先據嶺以導諸軍。遂毀邊城。入敗明總兵侯世祿等軍。會三屯營守將以步騎三千截我輜重。公及都統武賴擊敗之。連敗敵兵二千於董家口。遂往畧地。克二城。晉爵二等男。六年秋。隨安平貝勒杜度等圍錦州。有功。明年復帥將士圍錦州。又明年隨征山東。坐調度失宜。奪巴圖魯號。降輕車都尉。順治元年。從睿親王多爾袞入山海關。擊流賊李自

成與都統譚泰等追至正定大破之賊燔輜重倉皇遁於是燕京迤北居庸關內外各城及天津正定皆降冊勲復爵三等男二年春帥右翼兵隨饒餘郡王阿巴泰平定山東趨江南時明福王遣兵渡河圍徐州沛縣李家樓公督兵馳擊敗之擒斬其將六人明兵赴河死者無算遂下徐州 命屯兵鎮守五月自徐州進兵南下敗明副將高雅軍於宿遷師次清河總兵劉澤清率步兵四萬船千餘艘據黃淮清三河口以拒連營十里公遣將渡清河列營相拒以礮擊敗敵舟別遣將率步兵六百人拒黃河北岸鳴礮相應隨分兵兩路一自清河上游進擊一攻對岸敵兵皆敗之合軍追至淮安斬其副將二參將一有偽新

昌王者潛遁海島雲臺山聚眾陷興化公遣兵進勦破其巢穴  
擒斬之通州如皋泰興等城皆下遂平定淮安其鳳陽廬州皆  
望風納款職官降者百餘人獲戰艦馬駝器械凡十萬以功晉  
三等子仍賜巴圖魯號三年命隨肅親王豪格勦張獻忠  
於四川賊悉銳迎戰公麾兵奮擊俘馘不可數計復回貝勒尼  
堪等分兵攻克遵義夔州茂州榮昌富順內江資陽諸郡縣川  
寇悉平尋隨肅親王勦陝西賊黨武大定等四年凱旋未幾薨  
五年論前後功晉爵一等子追諡曰襄毅詔立碑墓道旌其  
功公無子以弟阿拉密襲

薩穆什喀者公之第三兄也少事

太祖積功至輕車都尉世職征董夔率十二人追敵至山下斬百人獲礮五十有三馬牛羊千計

太宗卽位與十六大臣之列嘗從征旅順口由陸地運舟入水時眾皆乘馬獨建議曰兵旣潛進何騎爲乃率眾步行及水欠各旗所運舟俱未至獨與步軍統領巴奇蘭連舟先進誓必得城不空返身被百創戰益厲大軍繼之遂破旅順口師旋

太宗郊勞親酌金卮以賜尋征黑龍江虎爾哈部降其眾盡

取其地晉三等男授步軍統領列議政大臣隨武英郡王等伐明入長城攻容城縣先登克之及攻皮島督前鋒兵渡江先抵岸與都統阿山葉臣等攻克之斬其守將沈士奎晉二等子旋

征索倫部。設伏敗敵克之。班師。

上郊勞。錫宴如初。後坐事奪爵。以征錦州功。復騎都尉世職。崇德八年薨。

公之七弟曰雅賴。亦以忠勇聞。有父兄風。烈幼從。

太祖征馬喇。畧地朝鮮。數被創。復隨大兵攻遼東。破蒙古兵。俱有功。又征察哈爾。先登。俘馘無算。天聰三年。率兵千人畧明新城路。遇其故將毛文龍部眾採獲者。斬六十人。毀其船。九月。同額駙揚古利等。躡捕逃人於雅爾古。復遇文龍部眾。殺九千六百餘人。生擒其千總十數人。以歸。是年冬。從。

太宗伐明。薄北京。巡撫袁崇煥來援。圍我護軍營。城內兵出夾。

攻雅賴奮勇力戰卻之五年從圍大凌河城累戰皆捷正白旗士卒有歿於陣者軍騎入取尸而還七年征旅順口與其兄薩穆什喀同舟進敵據岸列陣以拒時各旗兵皆有難色獨超躍登岸大呼曰雅賴先登矣遂衝入敵陣黎明與敵兵大戰入城門身被數創督戰愈厲我兵或少退輒手刃之大敗敵兵取其地授騎都尉世職尋授議政大臣加一雲騎尉順治元年隨睿親王入關定燕京二年復隨豫親王破流賊於潼關平定河南江南冊勲累晉一等男兼一雲騎尉八年任戶部尚書坐同官給餉不均不行奏聞論罰贖罷尚書任康熙三年薨賜祭葬如例子花色襲爵

希文簡公事畧 子帥顏保

公諱希福。姓赫舍里氏。滿洲正黃旗人。先世居哈達。

太祖滅哈達時。公從其兄碩色。率所屬來歸。以通滿漢蒙古文字。召直文館。屢奉使詣蒙古部。賜號巴克什。文字之任。以委之。天聰二年。

太宗親征察哈爾。命往徵科爾沁兵助戰。將還。土謝圖額駙奧巴止之曰。寇騎塞路。行將安之。卽有罪譴。誰執其咎。公曰。君命安得辭。死則死耳。事不可悞也。遂行。再宿達大營。復命曰。科爾沁兵不赴調。土謝圖額駙奧巴已率兵他往。侵掠掠畢。然後來會。



上怒復遣將士八人隨公往趣其速赴調行四晝夜至小屯遇敵擊殺三十餘人卒達科爾沁部以其兵來會明年奧巴至上命公等責讓之奧巴服罪獻駝馬以謝敘功授騎都尉世職尋從征燕京敗明兵北門外大凌河之役與都統譚泰等奮擊錦州援兵師旋敵兵襲我後又擊敗之晉輕車都尉崇德元年改文館爲內三院公爲國史院承政尋授宏文院大學士疏請定察治說言惑眾之律復與大學士范文程請更定部院官制詔並可其奏當是時公雖居內院筦機務猶閒奉使察哈爾喀爾喀科爾沁諸部編戶口設佐領頒法律於蒙古平其獄訟或往來軍中傳示機宜核功賞相度形勢宣

上從意於諫降人還奏未嘗不稱旨也順治元年繙譯遼介元三史奏進

世祖展閱再四賜蟒衣鞍馬時都統譚泰阿附攝政睿親王公素譏譚泰衰慵又以所得分撥第宅二區相距甚遠屬譚泰更易之不從公使人讓之譚泰銜公會其弟副都統譚布詣公公曰日者大學士范文程以堂餐華侈語我我對曰吾儕儒臣也非功勳大臣比安得盛饌若此遂偕往啟王王以予言爲然且自咎曰吾過矣譚布退以告譚泰泰許之法司坐僞傳王言詆謾大臣欲搆變亂政應論死讞成啟王王令免死奪職籍其家八年二月

世祖親政。雪其冤。再授宏文院大學士。復世職。並還所籍。命充寶錄纂修官。是年。譚泰以黨附。睿親王伏誅。九年三月。公充會試主考官。晉爵三等男。又奉特旨。以公保。

太祖

太宗舊臣。銜命馳驅。克盡心力。嘉其功。晉男爵。爲一等。又遇恩詔。加一雲騎尉。復以定鼎燕京時。公方罷任。未獲加世秩。至是。特晉三等子。世襲罔替。九月。授議政大臣。十一月。薨。年六十有四。贈太保。賜諡文簡。長子奇塔特襲爵。次子帥顏保。康熙元年。以父勲。授國史院學士。教習庶吉士。八年。擢吏部右侍郎。尋授漕運總督。疏言。淮安爲水陸孔道。乃十五里內。連設三

關戶部工部各遣官征稅胥役過繁商人耗費多端且稽時只請併三關爲一關疏下所司戶部議許歸併工部言清江廠稅爲修造漕艘經費宜分征如舊命九卿科道再議如所請九年疏言淮揚二府水災分別蠲免額賦其漕糧例不蠲免而高郵宿遷桃源鹽城贛榆等州縣連歲歉收所有新漕及帶征舊欠萬難併征請勅部妥議部議令改折帶征特旨蠲免計漕米三萬一千石有奇十二年與河督王光裕合疏言故事每年漕運全完河工歲修告歲舉劾所屬文武吏示勸懲嗣經部議停止伏思河漕重務全在任事各官殫心盡職若勤惰罔分必至因循貽誤請仍舊例每年分別舉劾疏下部議行於是疏

薦糧道范周。遲日。與知縣吳興祚等。又劾罷其不職者。十七年。以逆藩吳三桂。窺犯江西。安親王岳樂。已由江西進征湖南。詔率所部。駐守南昌。備勦禦。九月。移鎮吉安。時吉屬各山險。多爲寇盜。盤踞出沒。乃遣將分堵要隘。斷賊糧道。別令知府蔣維藩等。入賊巢。宣布勅諭。招降偽總兵副將以下五十餘人。兵萬餘。十九年。回漕督任。二十年。遷工部尚書。尋調禮部。二十三年。薨。年四十有四。賜祭葬如典禮。其子赫奕。由侍衛累官工部尚書。

伊忠直公事畧

公諱伊爾登。姓鈕祜祿氏。滿洲鑲白旗人。宏毅公額亦都第十子也。幼蒙

太祖撫之宮中。及長。任侍衛。屢從大軍征討。天命初。築界藩及薩爾滸諸城。有勞績。賜蟒服。授世職。輕車都尉。晉爵三等男。太宗嗣統。與十六大臣之列。尋奉命駐防邊界。天聰三年九月。帥兵剿獐子島。獲船四。沈之。俘其人以歸。十月。從

上征明。隨貝勒阿巴泰等攻克龍井關。墮其水門入。斬明將易愛王遵臣。盡殲其眾。復攻遵化。敗山海關援兵。斬其將趙率教。十一月。隨大軍薄燕京。克永平。灤州。遷安等城。師旋。晉一等男。

會其兄圖爾格公鎮灤州以失守罷都統任命以公代之五年攻大凌河城公與各旗都統分受方畧卽率所部圍其東面之南深溝高壘環守之卒拔其城明年

上親征察哈爾命與貝勒阿巴泰等畱守瀋陽謀報林丹汗遠遁遂畧歸化城而還七年夏

上以征明及朝鮮察哈爾三者何先諭諸貝勒大臣各抒所見時方畱諸軍興屯山海關外地於是諸貝勒大臣奏曰明吾讐也用兵宜先今畱重兵以稽時日彼必有備矣公曰與其頓兵關外不若徑入內地視其城有可取則取之況蓄銳已久人有戢心何城不克及是時而用之所謂事半而功倍也明日

上命公隨貝勒岳託等取明旅順口大獲旋與都統葉臣率兵二千五百駐守之八年

上征明分兵入上方堡復奉詔與貝勒阿巴泰都統阿山率師入龍門約會於宣府敗明兵獲馬百餘進攻靈邱及保安皆有功尋坐事削爵解都統任崇德三年復任護軍統領四年隨武英郡王阿濟格攻明燕京以三十人敗敵千人獲其馬

上親統大軍攻松山杏山城我前鋒軍偵知明總兵祖大壽等以兵二千迎戰我軍既設伏公率壯士四十人誘敵追襲伏發還擊之大敗敵眾投參政大臣尋兼內大臣六年隨鄭親王濟爾哈朗圍錦州明總督洪承疇以師赴援屯松山西北鄭親王



令右翼兵擊之失利我四旗駐營地爲敵所奪火石飛光著人  
糜爛都統葉臣等斂兵不敢進獨公所領侍衛及四旗護軍恭  
順王孔有德與蒙古敖漢奈曼察哈爾等兵力戰公先右翼軍  
突入敵陣陷重圍身被十餘矢轉戰若無所見所乘馬死易馬  
復負傷再戰益奮凡三易馬四戰皆捷

太宗歎其勇絕復三等男爵襲八次賜白金四百兩八月

上陳師松山杏山間命偕超品公塔瞻率八旗護軍參領先

赴高橋設伏方出營遇明步卒之自杏山潰遁者凡千人擊斬  
之抵高橋復遇杏山騎兵六百有奇南奔塔山伏發盡殲其眾  
上移營近松山夜有松山敗軍突犯御營公與內大臣錫翰

等嚴兵拒戰敵敗遁。詔侍衛大臣之疏防及不能力戰卻敵者各輸罰錢資軍士。於是公得優賞。順治元年

世祖皇帝既定鼎冊功晉一等男三遇。恩詔累晉二等伯。世襲罔替。十三年以老致仕。

上念公爲宣力老臣。命上駟院給乘騎入朝。每至必召對。賜食。又詔圖其像一藏內府。一賜其家。康熙二年薨。賜祭葬如典禮。子諡忠直。孫噶都襲爵。官至領侍衛內大臣。三十七年。詔遣官祭其墓。

陳忠襄公事畧

公諱陳泰。姓鈕祜祿氏。滿洲鑲黃旗人。宏毅公額亦都之孫也。父車爾格。爲宏毅公第三子。幼從

太祖征伐。屢立功。授騎都尉。世職。晉輕車都尉。常奉命征東海。瓦爾喀部。凱旋。

上親出郊勞。又念其父勲。晉爵三等子。

太宗卽位。設八大臣。與其列奉命招明廣鹿島。副將尙可喜。以其眾三千來歸。

世祖定鼎燕京。恩詔加一雲騎尉。順治二年薨。忠襄公初以參領從征明錦州。功最天聰三年從

太宗伐明。薄北京。分兵攻巡撫袁崇煥營。遇伏奮擊。斬獲多。五年。圍大凌河城。明監軍道張春率眾赴援。公設伏擒其偵卒。復以步戰殲敵眾。崇德三年。隨睿親王多爾袞敗明兵於豐潤。攻總兵侯世祿等營。皆拔之。又以護軍三十敗總兵祖大壽騎卒百餘人。五年。隨征明錦州。進攻杏山。敗敵兵。獲牲畜無算。六年。圍錦州。敗松山兵。我樵採者爲敵兵所困。公率壯士六人援之。出。又敗敵兵之來襲後隊者。連戰皆捷。克其郭。由騎都尉晉三等輕車都尉。七年。從圍錦州。掘濠困松山。援軍明兵夜犯。正黃旗蒙古營公往援。敗之。八年。敗明總兵馬科於渾河。築浮梁濟師。明總督范志完以兵來拒。復擊走之。尋畧地山東。攻克東阿。

收上甯陽三城。晉世職爲二等。順治元年。從入山海關。破走流賊李自成。詔敘勲臣。晉一等。四年。授禮部侍郎。從征湖廣。敗流賊一隻虎於荊州。尋奉命爲靖南將軍。進征福建。敗賊渠曹大錫及張耀星。步兵四千。克同安。平和。五年。破海寇鄭彩。兵彩遁入海。復連江。長樂。擒僞總督顧世臣等十一人於興化。斬之。全閩以次底定。得旨嘉獎。七年。授護軍統領。晉爵三等男。擢刑部尙書。八年。遷吏部尙書。拜國史院大學士。坐事罷。九年。起禮部尙書。典會試。兼任都統。晉二等子。十年。授甯南靖寇大將軍。征湖廣。十一年。調吏部尙書。兼都統。大將軍如故。十二年。張獻忠餘黨僞南安王孫可望。遣賊帥劉文秀。盧明臣。馮雙禮。

等帥眾六萬分犯岳州武昌樓船千餘蔽江下而文秀復以精兵攻常德公遣將設伏以待自帥精兵橫衝其陣大破之復出奇計以舟師迎擊三戰三捷窮追千餘里尸骸相撐籍賊復列艦拒戰公揮伏兵擊之火其舟別遣將破賊德山下師抵龍陽賊又集眾二千來犯我軍奮勦賊潰奔明臣赴水死雙禮被創遁文秀走黔中獲偽敕印降副將以下偽官五十餘人兵三千敘功晉世襲一等子兼一雲騎尉未幾以疾薨於軍明年正月班師

世祖皇帝命酒以勞諸臣諭曰大將軍陳泰爲朕蕩除逆寇卒於戎行朕甚傷悼因揮淚不止復諭學士麻勒吉等曰脫

大將軍班師生入國門。朕將親酌以酒。不意中道棄捐。不復相見。其命爾持此一觴奠大將軍靈次。少抒朕追悼之懷。於是從征諸臣及左右侍從皆感涕伏地泣尋遣官賜祭賜葬。予諡曰忠襄。子尼滿襲爵。

伊襄敏公事畧

公諱伊爾德。姓舒穆祿氏。滿洲正黃旗人。武勲王揚古利從子也。天聰三年。從武勲王畧明錦州甯遠。皆有功。復從大軍攻明北京。斬敵甚眾。又敗山海關援兵於滦州。師還。先抵木城。斬明兵之守隘者。五年。從征大凌河。城中兵突出。公衝鋒入陣。斬二人。追奔及濠邊。又擊明監軍道張春。兵有敵騎。挾弓矢直犯。御營。公馳斬之。是秋。往畧前屯衛。會我軍將領噶思哈爲敵兵所困。公率十五人奮擊。援出之。授騎都尉。世職。擢護軍統領。崇德五年。大軍圍錦州。明兵出戰。敗之。尋隨王貝勒等至松山屯。田明人縱牧於野。公設伏。烏欣河驅其牲畜以歸。敵兵潛襲我。



後公還擊倭斬無算晉爵三等男七年復從圍錦州敗松山兵之奪我巨礮者晉一等男加一雲騎尉順治元年隨豫親王多鐸南征公統蒙古兵由南陽趨歸德招撫甚眾至揚州城北獲戰艦百餘渡江先入旗進破南京明福王遁走蕪湖追擊之敗明靖南伯黃得功軍總兵田雄等以福王出降晉二等子六年與都統譚泰征江西叛鎮金聲桓平之進勦廣東叛鎮李成棟於信豐拔其城成棟夜遁馬蹶溺水死隨分兵定撫州建昌破僞總兵楊奇盛等軍江西平復奉命往勦保定土寇敘功晉一等子八年秋護軍統領鼐拜託公罪狀以

上幸南苑時公擅令內直員役更番及私減守門護軍額數論

死。詔貸之尋擢都統晉一等伯兼一雲騎尉。隨敬謹親王尼堪征湖南失利。王輕騎逐北遇伏薨於陣。公論罪奪職籍沒。是時明魯王朱以海歿於臺灣其餘黨據舟山抗拒。王師舟山在甯波海中一日翁洲綿亘百餘里越王勾踐欲徙夫差於甯東卽其地也魯王兩次居此官軍攻陷之屠其城至是復爲其黨所據十二年。

上命公爲甯海大將軍統師往勦至則故總兵王長樹毛光祚沈爾序等糾眾登岸肆掠大嵐山公遣將趨下關抵斗門連擊敗之斬長樹等三人覆其眾而自率師攻甯波乘舟趨定海分三路進發渠魁陳六御阮思等於海島望江口山下列艦船拒。

敵公揮兵進擊。敗之。追至衡水。洋斬六御等。遂取舟山。十四年。凱旋。命貝勒杜蘭等郊勞。晉一等侯。兼一雲騎尉。十五年。隨信郡王多尼征明桂王朱由樸。自貴陽至盤江。斬其將領。進克雲南省城。十八年。薨於軍。年五十有六。

世祖震悼。賜卹如制。諡襲敏孫巴渾岱襲爵。